

quàm in statu normali, nunquam ut in *C. pectinatâ* nostrâ ferè fili-formia et tenuitèr divisa, laciniis elongatis linearibus (ferè ut in *Coreopside tinctoriâ Hort.*) videntur.

Obs. *C. succulenta Ait.* et *C. pectinata nob:* genus *Tolpidem* cum *Crepide* arctissimè conjungunt.

40. *Crepis macrorrhiza, Prodr. MS.*

C. glaberrima: radice perenni, crassâ, carnosâ: caulibus solidis, foliatis, simplicibus, supernè paniculatis: foliis omnibus indivisis, oblongis, dentatis, sessilibus, nitidis, sub-carnoso-coriaceis: panicula largâ, multiflorâ; pedunculis supernè sub-incrassatis, squamosis; anthodiis sub-farinoso-pubescentibus.

Crepis macrorrhiza, Herb. Banks: et Sol. MSS! Hook. in Bot. Mag. t. 2988!

Hab. in Maderæ rupibus.

41. *Crepis? andryaloides, Prodr. MS.*

C? glanduloso-hispida: radice carnosâ, bienni: caule sub-fistuloso, foliato, simplici, supernè laxè paniculato, hispido: foliis omnibus indivisis, oblongis, acuminatis, undulatis, remotè runcinato-dentatis, sub-sinuatis, sessilibus, hispidis: floribus laxè paniculatis, remotis: pedunculis nudis, gracilibus, divaricatis, laxis, anthodiisque cylindricis, glanduloso-hirsutissimis: involucre erecto, persistente.

Hab. in convallibus Maderæ.

Semina matura non vidi; pappus in immaturo reverà sessilis: sed cum in veris quibusdam *Borkhausiæ* speciebus pappus in semine immaturo omninò *sessilem* vel *subsessilem* videre licet, in nostrâ forsan plantâ pappus seminis maturi stipitatus evadit.

GEN. BORKHAUSIA, *Böhm. Spr.*

42. *Borkhausia laciniata, Prodr. MS.*

B. radice annuâ: caule erecto, stricto, ramoso, paniculato, sub-puberulo, nitido: foliis laciniato-pinnatifidis, vel runcinato-dentatis, sinu-

atis, glabris; radicalibus plerumque integriusculis, oblongis; caulinis lineari-lanceolatis, semi-amplexicaulibus, basi auriculatis, sub-sagittatis, dentato-laciniatis: floribus corymboso-paniculatis: anthodii squamis dorso infernè nigrescenti-glanduloso-hispidis, interstitiis sub-farinoso-puberulis: squamis involucri laxis, farinoso-puberulis.

a. pinnatifida; foliis profundius divisis.

Crepis biennis, *Herb. Banks!* quoad specimina in Maderâ a Masson lecta.

“*Crepis Dioscoridis*” (lineâ per verbum *Dioscoridis* ductâ) “L. var. corolla undique lutea. Madeira Fr. Masson 1777.” *Herb. Banks!*

β. integrifolia; foliis integriusculis.

“*Crepis Dioscoridis*” (lineâ per verbum *Dioscoridis* ductâ) “L. var. foliis margine nudis, Madeira Fr. Masson 1777.” *Herb. Banks!*

Hab. in Maderâ; in vinetis, locis cultis, frequens.

43. *Borkhausia divaricata*, *Prodr. MS.*

B. radice crassâ, fusiformi, bienni (perenni?): caulibus ramosis, paniculatis, solidis, infernè glabris, supernè pedunculisque divaricatis, patentibus, hispido-glandulosis: foliis rigidis, glaberrimis, undulatis; radicalibus sinuato-runcinatis, caulinis basi semi-amplexicaulibus, dilatatis, ovato-acuminatis, integriusculis: floribus sparsis, paniculatis: anthodiis post anthesin ovatis, basi ventricosis; squamis basi hispido-glandulosis, supernè squamisque laxiusculis involucri glabris.

a. robusta; caulibus erectis, virgatis, pedalibus, multifloris, foliosis: foliis sæpe runcinato-pinnatifidis.

Hab. in Promontorio S^{ti}. Laurentii Maderæ.

β. pumila; caulibus sæpe diffusis, glabriusculis, paucifloris, plerumque nudis: foliis radicalibus indivisis, integriusculis vel runcinato-sinuato-dentatis, sub-carnosis: anthodiis hispidioribus.

Hab. in Portâ S^o.—Status potiùs, ex solo aridiore, quàm varietas præcedentis.